

G. 3896. 18

No G. 3896 18

Vol 1



Bought with the
Charlotte Harris Fund
Charlestown Branch.



St. Mark



Digitized by the Internet Archive
in 2010 with funding from
Boston Public Library

17

1613

19

19

LE
CATHOLIQUE
CHRISTIANIZE.

M. DC. XV.

2



LE CATHOLIQUE
Christianisé.

MESSIEURS,
I'ay ouy dire qu'entre tous ceux qui ont escript sur le subiet de ces mouuemens derniers: il y en auoit qui sonnoient assez bien la corde d'un tel instrument, fors qu'ils se sont oubliez d'y mettre leur nom, mesprisant la gloire qui leur en est deuë.

L'affection que i'ay à la nation Françoisë, m'a porté à luy faire sçauoir par cet escript: ce que ie croy n'estre à propos de dire publiquemēt en ceste assemblée de laquelle i'ay eu aduis pour peut-estre estant estrangier ne pouuoir estre entendu ny ayāt pour la plus part que des veaux, disie que des venaux, qui n'en-

tendent pas toutes sortes de langues, & aussi que comme les choses si passent: ie perdrois mes peines d'y aller en persône, veu que quant Dieu mesme y enuoyeroit ses Anges pour y éuertuer les esprits: leur eloquēce seroit estouffée par le doux son instrumental de Iupiter, Catholique qui rauist par de là Paradis (i'entens) de ce monde.

Et à fin de n'encourir le blasme de plusieurs par le silence de leur nom: considerant que cest chose qui ayde fort à l'intelligēce d'un discours lors qu'on s'entrecognoist, i'ay bien voulu faire sçauoir qui ie suis: estāt fort asseuré de ma part à qui ie parle. Vous sçaurez donc que ie suis estrāger de nation, natif Disis le Catholique, mais François de cœur, chrestien pour l'ame, Romain pour la

conscience, & politique pour la
 cuisine, aussi fuisie nommé Fran-
 çois Chrestien, lequel ces iours
 passez sur le bruit qui courust en
 nostre pays, qu'en France on y
 voit aller les asnes en housse, &
 les veaux en carrosse, & que la pl^e
 grande partie sont à Paris, qui
 contrefont les reformateurs, ie
 m'estois mis en chemin pour
 voir ces merueilles: en fin i'arri-
 uy sur les frontieres au Marqui-
 sat de Malordre, en vne petite vil-
 le anciennement appelée Ville
 Cure pour le grád trafic de mar-
 chandise qui si faisoit: mais à pre-
 sent est nommee ville Curee, par
 ce que les *ingnasentibus* y ayans esté
 establis, elle n'a rien vallu par la
 perte du commerce: d'autát que
 tous les enfans de laboureurs &
 marcháds se sont faiçts disciples
 de S. Yue, en fin plus de labours,

plus de marchâds, plus de traffic,
plus d'estat, & partant plus que
faire de Roy (excellence Iesui-
stique).

En laquelle ville se void le reste
d'une assez belle Eglise dediee à
Saint Pietre, sous le portail de
laquelle ie me mis à couuert, en
attendât que la pluye fust passée.
où estant: i'apperceus Fabrice le
Piteux mon ancien cogneu, le-
quel me preuenant de semblable
curiosité reuenoit de Paris, ie luy
dis mon dessein: lors il me pria
de ne passer outre, que cela ne
meritoit tant de peine que ceux
qui s'estoient noyez & rompus
le col pour si trouuer estoient bi-
sots: n'ayans pas iugé que le tou-
n'estoit que pour amuser le peu-
ple; que l'on sçauoit tant par ex-
perience que les grands faisoient
des petits comme le chat de la

plotte, que ceux qui demandoiēt
la reforme faisoient leur fortune
dans la confusion, bien contens
d'auoir subiet de brouïller, tes-
moing l'enfant d'onze lunes qui
ne quitteroit pas sa fortune pour
vne semblable à celle du viuant
de son plus proche.

Je le priay de me dire ce qu'il
auoit veu à Paris, il me cōmença
par vne procession generale où
il n'auoit rien remarqué de reue-
rentieux, qu'vn ieune Euesque de
boil & couleur brunette assez
pottelé & esueillé comme vn
chardonneret: tenant en sa main
vn cierge duquel il se reseruoit
comme d'vne flutte, & se souuint
lors du flusteur rubicom, pris
par Cesar pour bonne augure,
qui luy fit lors preiuger que tel-
les deuotions attireroient toutes
les graces du Ciel Empiré, & de

faict à l'ouuerture de ceste assemblée: il commença à voir quelques effects aux harangues qui furent faictes avec toutes sortes de flatteries.

Toutefois il apperceust quelques mouuemens en certains esprits, sur la harangue de celuy qui pouuoit mieux faire s'il eust continué son tour, sans faire le demy rond: mais quoy ie les cuse disoit-il: car estant de la race de Ciceron, & ayant pris vne drame de Catholicum, il fust atteint des orillons, & puis qu'eust-il faict si de plus gens de bien que luy, ont fort à faire à se maintenir en ceste race qui ne veulent sçauoir la verité tesmoing son dernier predecesseur, pour auoir esté contraire à l'aduis de ses gardeurs de sepulchre, n'est plus ce qu'il deuroit encores estre.

Il esperoit en suite de tant de
beaux discours, de bōs effects, &
pour en voir l'ordre s'y trāporta
plusieurs fois aux lieux destinez:
pour traicter de telles affaires, où
il entendist qu'au lieu de si em-
ployer fidellement, ils entrent en
ceste belle proposition d'establis
vn vatican sur le donjon de l'ho-
stel de l'escu: & de ces deux n'en
faire qu'un, proposition qui ne
contēte guerre mon compere de
la montaigne, qui a tant de peine
à conseruer sa portraicture en ce
pays, qui n'est à present que sur
choille bien mince, & encores au
hazard d'estre rongee par les rats
qui ne sont que trop en paille, &
faisoiēt ainsi des comptes de ma-
meré Loye, & peu de iours apres
vn bruit court que le tout estoit
remis hors, il se resoult à son re-
tour estant fort affligé: disant

que son grand pere luy auoit biẽ
dit que ce n'estoit que toutes
piperies, & qu'il apperceuoit biẽ
le dire d'un sage homme son cõ-
pere autrefois collecteur de son
village, qui disoit souuent en
cueillant la taille, que tãt que les
gros Monssieurs regarderoient
à leur particulier : le moindre
peuple ne seroit iamais soulagé,
que où l'or esclatte, la vertu ne
peut luire, ainsi que dit vn Poëte,

*Le premier coing duquel l'or fut battu,
En battant l'or, abbatit la vertu.*

Mais que c'estoit trop endure,
que si le peuple François auoit esté
patient du viuãt du feu Roy, que
c'estoit par force regnãt en dou-
tant, & pour en parler franche-
ment, lors de sa mort les plus po-
litiques de son village auoient
les larmes aux yeux, & l'indiffe-
rence au cœur, & sur ce que Iean
Poteau disoit auoir leu vne loy

dés les quatre fils d'Aymon, que l'heritier deuoit venger la mort du deffunct, fut deffédu au profane de sa parroisse, d'informer ny s'enquerir, quoy ? ny comment de sa mort.

Que si on se mocquoit ainsi d'eux, l'on auoit à present de belles inuentions pour en tirer raison : que les mal contens & de pirs qu'eux n'estoiét pas morts, ie le repris à ce propos : mais il n'eust pas grand conte, disant que c'estoit pour desesperer vn malade de preparer vne medecine pour sa guerison, & la voir renuerfer par terre.

Entendant ces belles nouuelles ie ne daignay prédre la peine de m'aduancer d'auantage : & neantmoins touché d'affectiô, ie creu Messieurs, deuoir vous faire sçauoir par le discours de ce Fa-

brice, en quel predicament vous estes parmy le peuple, & l'esperance qu'ils ont de voir le fruit de vos labours.

Je vous diray Messieurs, que ce Fabrice le Piteux seroit grandement offensé, si vous estiez metamorphosez en fumee, qui chercheroit plustost les entreplothoniques que les elemens de Iupiter, chose qui vous tourneroit à vn eternal blasme, & digne à iamais d'une malediction populaire, ce que ie m'asseure que ne permettrez iamais pour euiter de plus piteux spectacles que ceux que vous avez veuz par la fuite infaillible d'une miserable guerre qui s'en ensuiuroit, & espuiseroit de vos boëttes ce doux catholicon que prenez pour la vente de vostre partie, ayant sagement faict de ne vous obliger à la

liuraison : chose à mon aduis vn
 peu difficile. Non ie ne l'espere
 pas , quand vous entrerez en la
 consideration du regne du feu
 Roy , comment par qui il a esté
 tué, & le iuste subiect des gemis-
 semens du peuple François.

Mais côme vrais François vous
 proposerez vos intereſts particu-
 liers , & ne laifferez esclauer vos
 esprits à ce miserable meſtail, pe-
 ſte de la vertu, & procurez le bien
 de voſtre patrie par vne ſaincte
 reformation qui ouurira le tem-
 ple de la vertu, languiffante ſous
 ce mōſtre venal, abhorré par les
 plus ſainctes ames & fini des
 Eſtat,s & republicques les mieux
 gouuernees, ce faiſât acquererez
 à voſtre Roy l'affection de ſon
 peuple, en laquelle ſeule eſt la cō-
 ſeruation & augmentation de ſō
 eſtat, ſinō il faut que tout periffe.

Tant de beaux esprits vous ont discouru particulièrement sur ce subiet, que ce seroit temerité à moy d'y penser trouuer à dire apres eux: aussi ce n'a pas esté mô desseing, sinon que de vous aduertir de la disposition d'aucuns esprits: vous priant Messieurs, de ne point mespriser ce petit discours pour n'estre selô les reigles de rethorique, ayant creu que ce seroit faire tort à la naïfueté d'y apporter de l'artifice, & puis estât estranger, c'est assez de me faire entendre.

Dieu vous benisse Messieurs si vous rompez l'annuel,

Autrement toutes vos femmes seront menees au bordel

Pour y passer nostre temps n'ayans point d'autre exercice,

Puis que vous autres veaux d'or possédez tous les offices.

Helas François de non, bannis de vostre
France,

N'espere les Estats vous remettre à bõ port,
Car le vent d'Italie & race de Florence,
Rẽuerse vostre nef par vn malheureux sort.

Et puis que vos esprits se laissent esclauer,
Sous vn ioug estrangier traistre à vostre
maud

Peut on dire sinon qu'il faut abandonner,
Au Sorcier Florẽtin & l'hõneur & la vie.

Non non, ie veux moy seul brauer ce franc
coyon,

Et comme vn sage Vlisse enrager sa circee
En faisant rebastir pour luy le mont faucon
Et la faire seruir aux corbeaux de Curee.

F I N.

S/pq/v





